

«ՎԱՆԱԶՈՐԻ Հ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆ»

ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ

Հավելված

«Վանաձորի Հ.Թումանյանի անվան

պետական համալսարան» ՊՈԱԿ-ի

ռեկտորի 29.04.2016 թ. թիվ 265 Լ/Կ հրամանի

ԿԱՐԳ

ՈՒՍՄԱՆ ՎԱՐՁԻ ՍԱՀՄԱՆՄԱՆ, ՎՃԱՐՄԱՆ ԵՎ ՎԵՐԱԴԱՐՁՄԱՆ ՄԱՍԻՆ

Ընդունված է ՎՊՀ-ի գիտխորհրդի կողմից

Արձանագրություն թիվ 4 28.04.2016թ.

Վանաձոր

2016թ.

I. ԸՆԴՀԱՆՈՒՐ ԴՐՈՒՑԹՆԵՐ

1. Սույն կարգով կարգավորվում են «Վանաձորի Հ.Թումանյանի անվան պետական համալսարան» պետական ոչ առևտրային կազմակերպությունում (այսուհետ՝ Համալսարան) ուսման վարձի սահմանման, վճարման և վերադարձման գործընթացների իրականացման ընթացքում առաջացող իրավական հարաբերությունները:

II. ՈՒՍՄԱՆ ՎԱՐՁԻ ՍԱՀՄԱՆՈՒՄ ԵՎ ՎՃԱՐՈՒՄ

2. Համալսարանի և ուսանողի միջև կնքված պայմանագրում պարտադիր ամրագրվում են ուսման վարձի չափը, վճարման ժամկետները:

3. Համալսարանում ուսանողի տեղափոխության, երկրորդ մասնագիտություն ստանալու, միջին մասնագիտական հաստատություններից ուսումը շարունակելու դեպքում ուսանողը վճարում է տվյալ մասնագիտության տվյալ կուրսի համար սահմանված ուսման վարձը:

4. Ուսանողական իրավունքների վերականգնման դեպքում ուսանողը վճարում է տվյալ մասնագիտության (ըստ որակավորման)՝ վերականգնման ուսումնական տարվա համար սահմանված ուսման վարձը:

5. Ներբուհական տեղափոխության գործընթացում ուսանողը տեղափոխության կիսամյակի համար վճարում է մեկ անգամ՝ նախորդ պայմանագրով ամրագրված ուսման վարձը:

6. Ուսումնառությունն ընդհատած ուսանողը¹ ուսումը շարունակելու դեպքում վճարում է պայմանագրում նշված ուսման վարձը:

7. Ուսումնառությունն ընդհատած ուսանողը ուսումը շարունակելու դեպքում նույն մասնագիտության համապատասխան կուրս չլինելու դեպքում կցագրվում է հարակից մասնագիտության համապատասխան կուրսին՝ վճարելով պայմանագրում նշված ուսման վարձը:

8. Ուսումնառությունն ընդհատած ուսանողը ուսումը շարունակելու դեպքում իր դիմումի համաձայն ուսուցման համակարգի փոփոխության դեպքում վճարում է տվյալ մասնագիտության տվյալ կուրսի համար սահմանված ուսման վարձը:

9. Ուսանողը ուսումնառության առաջին կիսամյակում կիսամյակային վճարը չմուծելու և ուսումնառությունն ընդհատելու դեպքում հետագայում ուսումը շարունակելու ժամանակ վճարում է ուսումնառությունը շարունակելու ուսումնական տարվա համար սահմանված ուսման վարձը:

10. Առարկայական տարբերությունների արդյունքում առաջացած կրեդիտներ ձեռք բերելու համար ուսանողը վճարում է համարժեք կրեդիտների արժեքի չափով:

11. Ուսանողների շարժունությամբ պայմանավորված՝ որոշակի ժամանակահատվածով այլ բուհերում ուսումնառած ուսանողները վերադարձից հետո առաջացած առարկայական տարբերությունների համար վճարում են համարժեք կրեդիտների արժեքի չափով:

12. Ավարտական ամփոփիչ քննության մասնակցության համար նախորդ տարիներին ամփոփիչ ատեստավորմանը չմասնակցած կամ «անբավարար» գնահատական ստացած նախկին ուսանողը վճարում է համարժեք կրեդիտների արժեքի չափով՝ ըստ տվյալ մասնագիտության սահմանված վերջին ուսման վարձի:

¹ ՀՀ կրթության և գիտության նախարարի 2011 թ. նոյեմբերի 17-ի N 1242-Ն հրամանով հաստատված «Հայաստանի Հանրապետության բարձրագույն ուսումնական հաստատություններում ուսանողների հեռացման (ազատման) և վերականգնման» կարգի 10-րդ կետ

13. Ուսման վարձը կարող է փոխանցվել (մուծվել) ֆիզիկական կամ իրավաբանական անձի կողմից:

14. Առանձին դեպքերում թույլատրվում է ուսման վճարը վճարել մասերով մինչև քննաշրջանի սկիզբը՝ Համալսարանի կողմից սահմանված ժամկետներում:

15. 14-րդ կետը չի տարածվում տեղափոխության, ուսանողական իրավունքների վերականգնման, երկրորդ մասնագիտություն ստանալու, միջին մասնագիտական հաստատություններից ուսումը շարունակելու գործընթացի ժամանակ տվյալ կիսամյակի ուսման վարձի վճարման դեպքերի վրա: Կցագրված ուսանողը տվյալ կիսամյակում ուսման վարձը վճարում է ամբողջությամբ:

16. Սահմանված կարգով և ժամկետներում ուսման վարձ չվճարած անձինք հեռացվում են համալսարանից:

17. Տվյալ մասնագիտության և կուրսի համար մեկ կրեդիտի արժեքը որոշվում է.

17.1. առկա ուսուցման համակարգում.

ա. ուսումնական պլանով նախատեսված «Ընդհանուր հումանիտար և սոցիալ-տնտեսագիտական առարկաներ» և «Ընդհանուր մաթեմատիկական և բնագիտական առարկաներ», բլոկների /Ա խումբ/ առարկաների համար.

$$1 \text{ ԿՐԵԴԻՏԻ ԱՐՇԵՔԸ} = \frac{\text{Վ միջին}}{60}$$

Առկա ուսուցման համակարգի համար լիցենզիայով հաստատված տեղերի քանակով վերջին ուսումնական տարվա համար հաստատված առկա բաժինների ուսման վճարների չափով սպասվելիք գումարը

$$\text{Վ միջին} = \frac{\text{Առկա ուսուցման համակարգի տվյալ ուսումնական տարվա հայտարարված մասնագիտությունների համար լիցենզիայով հաստատված տեղերի ընդհանուր քանակը}}$$

որտեղ՝

-Վ-ն՝ վարձավճար

-60-ը՝ 1 ուսումնական տարում հատկացվող կրեդիտների քանակն է:

բ. ուսումնական պլանով նախատեսված «Ընդհանուր մասնագիտական առարկաներ» և «Հատուկ մասնագիտական առարկաներ» բլոկների /Բ խումբ/ առարկաների և «Այլ բաղադրիչներ» 1 կրեդիտի արժեքը որոշվում է.

$$1 \text{ ԿՐԵԴԻՏԻ ԱՐՇԵՔԸ} = \frac{\text{Ց Վ}}{60}$$

որտեղ՝

ՑՎ-ն՝ Տարեկան Վարձն է՝ համաձայն ուսանողի հետ կնքված պայմանագրի

60-ը՝ 1 ուսումնական տարում հատկացվող կրեդիտների քանակն է:

17.2. հեռակա ուսուցման համակարգում.

ա) ուսումնական պլանով նախատեսված «Ընդհանուր հումանիտար և սոցիալ-տնտեսագիտական առարկաներ» և «Ընդհանուր մաթեմատիկական և բնագիտական առարկաներ» բլոկների /Ա խումբ/ առարկաների համար.

$$1 \text{ ԿՐԵԴԻՏԻ ԱՐՇԵՔԸ} = \frac{\text{Վ միջին}}{48}$$

Հեռակա ուսուցման համակարգի համար լիցենզիայով հաստատված տեղերի քանակով վերջին ուսումնական տարվա համար հաստատված առկա բաժինների ուսման վճարների չափով սպասվելիք գումարը

$$\text{Վ միջին} = \frac{\text{Հեռակա ուսուցման համակարգի տվյալ ուսումնական տարվա հայտարարված մասնագիտությունների համար լիցենզիայով հաստատված տեղերի ընդհանուր քանակը}}$$

որտեղ՝

-Վ-ն՝ վարձավճար

-48-ը՝ 1 ուսումնական տարում հատկացվող կրեդիտների քանակն է:

բ) ուսումնական պլանով նախատեսված «Ընդհանուր մասնագիտական առարկաներ» և «Հատուկ մասնագիտական առարկաներ» բրոկների /Բ խումբ/ առարկաների և «Այլ բաղադրիչներ» 1 կրեդիտի արժեքը որոշվում է.

$$1 \text{ ԿՐԵԴԻՏԻ ԱՐԺԵՔ} = \frac{ՏՎ}{48}$$

որտեղ՝

ՏՎ-ն՝ Տարեկան Վարձն է՝ համաձայն ուսանողի հետ կնքված պայմանագրի

48-ը՝ 1 ուսումնական տարում հատկացվող կրեդիտների քանակն է:

III. ՈՒՍՄԱՆ ՎԱՐՁԻ ՎԵՐԱԴԱՐՁՈՒՄ

18. Ուսանողի հեռացվելու, ազատվելու դեպքում տվյալ կիսամյակի ուսման վարձը չի վերադարձվում:

19. Որպես բացառություն՝ հետագա ամիսների ուսման վարձը կարող է վերադարձվել՝ երբ ուսանողն առողջական պատճառներով ի վիճակի չէ ուսումը շարունակելու և ներկայացնում է բժշկական համապատասխան փաստաթուղթ: Այդ դեպքում վերադարձման ենթակա գումարը պետք է համապատասխանի ուսուցում չանցած ժամանակին:

20. Ուսման վարձից ավելին վճարված գումարը վերադարձվում է՝ ուսանողի դիմումի համաձայն:

21. Կազմակերպության կողմից ավել վճարված ուսման վարձը փոխադարձ համագործակցությամբ վերադարձվում է նույն կազմակերպությանը:

22. Այլ բուհ տեղափոխված ուսանողին կարող է վերադարձվել վճարված ուսման վարձի համապատասխան մնացած մասը՝ ընդունող բուհից տեղափոխության վերաբերյալ տեղեկանք ստանալուց հետո, հաջորդող ամսվա 1-ի դրությամբ:

23. Փոխատեղման արդյունքում անվճար համակարգ տեղափոխված ուսանողին վերադարձվում է լրիվ կամ մասամբ վճարված ուսման վարձը: